

周天四十三年五月癸巳西南方赤氣周天
四十四年二月癸未夜赤氣竟天光明如晝
五月丁卯翼方有赤氣衝天六月癸巳有赤
氣如梨子自心大星流入尾星四十六年正
月丙午赤氣衝天如火光五月乙卯慈雲寺
右小池赤沫如血寶文閣校勘姜度云新羅
虎景王時大觀寺池水赤其年王薨今茲王
疾殆不瘳乎六月戊戌曙時東方有赤氣如
霞異常 元宗元年六月乙丑乾方有赤氣